

國府現行公文程式大全

現行 國府

公文程式大全



目 次

第八編 ▲ 報告公文式

民益圖書局
發行

版 權 所 有

外 埠 代 售 處

振亞書局	唯華書局	中國圖書公司	樹德堂書局	翊華書局	華西書局	文淵書局	晉新書局
鄭州	開封	廣州	南京	南京	南京	南京	南京
震華書局	龍文書局	豫文書局	開通書局	光天書局	金陵書局	南洋書局	中國圖書局
汕頭	穎州	蚌埠	宜昌	漢口	南昌	南昌	南昌
文明商務書局	吳天成書局	章福記書局	晏文盛書局	善成堂書局	章福記書局	鴻文書局	江西書局

發 行 者

上海民益圖書局

孤克路益壽里

印 行 者

上海民益圖書局

編 輯 者

譚 華 少 朋 振

▲ 現行 國 府 公 文 程 式 法 令 大 全

(全 書 洋 裝 四 厚 冊)
定 價 大 洋 兩 元 四 角

現行 國府 公文程式法令大全目次

第八編 雜項公文成案

電報韻目代日表

中央執行委員會秘書處通電第二屆第四次全體會議決議案

中央執行委員會政治會議開一百二十四次政治會議電

新編十九軍電

駐滬領袖領事致交涉署陽歷付租事復函

中央執行委員會挽留蔣總司令電

馮總司令挽留蔣總司令電

二十五軍周西成軍長宣布共黨罪狀電

福建財務委員會擁蔣通電

江蘇地方建設協進會擁護政府遷甯電

蕪湖總工會擁護政府遷甯電

公程式法令大全 第八編目次

國民革命軍蔣總司令辭職宣言

中央執行委員會令各級黨部挽留蔣總司令電

國民黨中央黨部致各報館爲統一合作電

國民外交後援會請總司令令軍政人員一律服用國貨電

北路軍總指揮部致各報館爲日輪肇禍電

東路軍前敵總指揮部特別黨部籌備委員會電

國民政府定都南京宣言

上海黨務訓練所宣言

上海特別市黨部宣傳部宣言

上海教育委員會取締教育界反動份子宣言

蔣總司令對黨務宣傳大綱宣言

蘇籍軍人同志會宣言

國民革命軍第四十軍政治部致各報館爲日輪肇禍嚴重交涉電

南京總商會致國民政府請廢除中法商約電

海軍總司令反對日本修理敵艦電

上海一區二十二分黨部反對日本出兵電

廣東省政府常務委員李濟琛對時局重要宣言

海軍總司令致福州軍界電

蔣總司令告全國國民黨同志書

蔣總司令告國民革命軍全體將士文

馮總司令告全國同胞革命同志書

東路軍前敵總指揮部政治部告上海民衆書

海軍總司令對時局要電

浙江土地廳長李伯勤請辭職電

國民政府致各報館爲北方殘餘軍閥借比欸延長中比條約電

中央監察委員聯名護黨救國通電

公程式法令大全 第八編目次

國民政府告全體同志同胞電

江蘇交涉員呈國民政府請令各機關保護德國僑民文

荷屬華僑代表呈中央執行委員會請修改中荷條約文

總司令部呈國民政府爲英國飛機自由飛航請嚴重抗議文

蔣總司令復職要電

開封馮總司令通電

甘肅省黨部電

浙省黨部中央特派員蔣伯誠蔣夢麟通電

徐州軍民慶祝大會電

國民政府外交部答復英政府通牒

又答復日政府通牒

又伍外長致英公使抗爭愛仁輪案照會

又令交涉員爲日領抗議附稅文

現國
行府

公程式法令大全

第八編 雜項公文成案

○電報韻目代日表

一	東先董送屋	十一	眞光軫隊陌	二十一	馬箇
二	冬蕭腫宋沃	十二	文侵吻震錫	二十二	養禡
三	江肴講絳覺	十三	元覃阮問職	二十三	梗漾
四	支毫紙寘質	十四	寒鹽旱願緝	二十四	迴敬
五	微歌尾未物	十五	刪咸潛翰合	二十五	有徑
六	魚麻語御月	十六	銑諫葉	二十六	寢宥
七	虞陽慶遇曷	十七	篠霰洽	二十七	感沁
八	齊庚薺霽黠	十八	巧嘯	二十八	儉勸

九	佳青蟹泰層	十九	皓效	二十九	賺艷
十	灰蒸賄卦藥	二十	弩號	三十	陷卅

○中央執行委員會秘書處通電

各報鑒。第二屆中央執行委員第四次全體會議。於本年二月七日決議。一致推舉丁維汾于右任蔣中正戴季陶譚延闓爲中央執務委員會常務委員。同日決議。推舉丁維汾于右任王伯羣王法勤王寵惠孔祥熙古應芬白崇禧白雲梯田桐伍朝樞朱培德朱霽青李宗仁李烈鈞李濟深汪兆銘何香凝何應欽宋子文宋淵源林森周震麟柏文蔚胡漢民陳調元孫科許崇智張人傑張之江張繼黃郛黃紹鈺永建程潛馮玉祥楊樹莊經亨頤熊克武鄧澤如蔡元培趙賢文樊鍾秀劉守中蔣中正蔣作賓戴傳賢閻錫山譚延闓爲國民政府委員。又推定譚延闓蔡元培張人傑李烈鈞于右任爲國民政府常務委員。并推定譚延闓爲國民政府主席。同日決議。推選于右任方振武方聲濤王均石青陽白崇禧田頌堯朱培德朱紹良朱哲元李宗仁李烈鈞李福林李景曦李鳴鐘李濟深何成濬何應欽汪兆銘周西成岳維峻金漢鼎胡宗鐸胡漢民柏文蔚徐永昌馬福祥孫良誠孫岳孫科陳可鈺陳季良陳訓泳陳焯陳紹寬陳

嘉祐陳銘樞陳調元夏威曹萬順羣商張之江張震鹿鍾麟賀耀組黃紹雄程潛溫壽泉馮玉祥鈕永建楊杰楊虎城楊愛源楊樹莊鄧錫侯鄧寶珊樊鍾秀熊斌錢大鈞盧帥諦劉文輝劉郁芬劉峙劉湘劉驥蔣中正蔣作賓魯滌平賴心輝龍雲閻錫山譚延闓顧祝同爲軍事委員會委員。又推定于右任白崇禧李宗仁李濟深何應欽朱培德程潛馮玉祥楊樹莊蔣中正閻錫山譚延闓爲軍事委員會常務委員。并指定蔣中正爲軍事委員會主席各在案。特此電達。中國國民黨中央執行委員會秘書處。灰印。

○中央執行委員會政治會議電

各報館鈞鑒。案准中央執行委員會常務會議臨時會議決議於一月十一日開政治會議第一百二十四次會議等因。准此。本會議遵於本日在丁家橋中央黨部開會議決通知各機關。政治會議業經開始辦公。一切提案。均查照向例辦理等語。除分別函電通知外。相應錄案電達。即希查照。并轉飭所屬一體知照。中國國民黨中央執行委員會政治會議眞印。

○新編十九軍電

上海申報館鑒。敝軍奉令剿除盤踞皖北之奉逆慶麟。克復潁州後。又奉軍委會暨何總指揮密令剿除反覆無常之張繼武部。茲接潁州敵軍參謀處。去月世電告業已解決一部分。生擒逆匪師長湯永光。及

團長王匾頭。斃匪千餘。收繳槍枝數千。獲軍用品無算。惟該電因交通阻滯。越八九日方到。殊欠靈通耳。原電文曰。南京二廊廟蔡家花園新編十九軍駐京辦事處孟馬兩處長鑒。我軍奉令解決暫編第六軍。收編曾投直魯各部。其中防境接近者。卽爲張機武部之三師。除一四兩師刻正着手。另行通報外。惟查第五師長湯永光。原駐河南各縣十三年之久。盤踞豫南五屬。禍害鄉里。罪案如山。厥後投誠官軍。屢經叛變。春間嘯匪徒數千人。占據豫皖邊境之界首集。綁搶姦掠。民不安居。嗣後經張機武濫收匪衆。其著者爲王匾頭一桿。婦孺皆知。此次勾結直魯與西北軍。迭戰隴海。屢經失敗。後又投石軍長。稱師長。反覆無常。實爲敗類。當查匪全部分駐兩處。一在阜陽城北蠶桑學校。約有一團。並附機槍。一在阜陽東周柵一帶。約有兩團。斃（十二月二十九日）晚密令我軍第三師劉師長。率步兵兩團。不動聲色。將蠶桑學校內之師部包圍。該匪性素悍驚。覺察後。麾衆登屋抗拒。彈如雨下。劉師長一面用迫砲向內轟擊。一面陰選奮勇隊攀沿後牆。冒險梯入。前仆後繼。匪衆知不可敵。自相踐踏。死者枕籍。我軍遂奪大門而入。湯匪匿藏航室。卒將擒獲。槍枝悉數收繳。其駐周柵者。由第二師邢師長率步兵兩團。拂曉向該處圍攻。匪指揮王匾頭親督匪衆。頑強抵抗。我軍分途猛攻。官兵奮勇。雙方酣戰五六小時。匪衆不支。或死或逃。槍械遺棄甚多。遂於申刻占領周柵。是役前後斃匪千餘人。擒匪團長王匾頭一名。匪衆五百餘人。傷者

無算。獲步槍千餘枝。手槍百餘。機槍二桿。其他軍用品甚夥。我軍陣亡營副一員。排長一員。傷亡士兵五十餘人。仰托總理在天之靈。匪軍肅清。爲黨國滅除障礙。爲地方掃滅兇殘。皖豫邊境人民聞之稱快。湯匪永光暨團長王匾頭。現尙監禁王營。除另陳政府軍委會何總指揮柏宣慰使外。特達參謀處卅亥叩等語。特以奉聞。南京二廊廟蔡家花園新編第十九軍駐京辦事處叩青。

○駐滬領袖領事致交涉署關於陽歷付租事之復函

特派江蘇交涉公署。昨接駐滬領袖領事函云。案准一月十三日來函。關於房租收取改用陽歷一事。業經本領袖總領事轉致領事團。予以討論。並函囑上海業主聯合會參加。表示意見等因。各在案。茲准該會復稱。此事業由本會委員會全體議決。通告各會員。容於華人房屋之租金。凡在可能之處。自本年三月一日起。一律改以陽曆收取。但以前積欠之租金。須得全部付清。此事遇必要時。望中國當局量予協助。現雖提早以三月一日爲改期之始。惟因所處地位。各有不同。故適用日期。勢必參差。是以提前改用陽曆收租者。事固有之。而因他種關係須延期日。亦所難免。此則不得不予以諒解者也。該委員會又謂改用陽曆收租之辦法。對於凡訂有租屋契約者。不能適用。該契約內載明陰曆收租者。仍須遵守此項條件。應值契約期滿而後可云。本領袖總領事接准前由。相應函復。卽希貴交涉員查照爲荷。

○中央執行委員會挽留蔣總司令電

甯波轉蔣中正同志鑒。同志受先總理之親託。本黨之重畀。整軍經武。數載於茲。北伐誓師。亦逾寒暑。始靖東江。慰總理於彌留之際。繼平湘鄂。挫軍閥於猖狂之時。血戰南昌。潯陽。底定閩浙蘇皖。俾總理指定之首都。得長依其陵墓。而奠定國民革命之大功。卽將直搗幽燕而完成。凡此軍事發展之成績。本黨歷史未有之光榮。同志實始樹之。而且於作戰方殷之際。首摘鮑羅廷之奸。而發共產黨之伏。不畏強禦。不避疑難。破挾持篡竊之局面。排危機四伏之環境。尊重中央執監委員之決定。及全國忠實黨員之意志。以促成護黨救國之全功。其見事之明。處變之勇。護黨之忠。救國之誠。爲全國所公認。孰意軍事方殷。黨難初定之會。爲避遠一部分之譏謗。遽行呈請辭職。冀以至誠。促進同志間之團結。革命勢力之集中與發展。在同志爲黨之苦心。及其坦白之胸次。固無待於辭職宣言。早已大白於天下。惟是目前問題。乃整個護黨救國之是非問題。而非個人進退之問題。設黨不當護。國不當救。應一任共產黨之盜竊篡奪。投機軟弱份子之隨風逐流。置之不問。任其作惡。則武漢何事。今日亦翻然覺悟。接受中央之意旨。起而以清黨相號召。設黨仍當護。國仍當救。則同志於護黨救國。爲始終最明察而最努力同志。更何能聽其遽然而遠行。天下事往往臨事愈負責任者。每易於招生疑謗。若率爾動於浮議。肇生惡果。則是非混淆。流

弊罔極。矧他方中受共產黨惡毒宣傳之暗示。又轉而爲面子之爭執。或也別有作用。每猶以個人問題。亂我目標。我忠實同志。豈能墮其策略。而自誤以誤黨國。此該總司令及凡我全體忠實同志之所當澈底了解者也。中央黨部及國民政府。對該總司令始終完全信任。所倚畀於該總司令者至深且切。各級黨部武裝同志及全國各界民衆。罔不以誠摯之心。懇切挽留。尙望體承中央之委託。接受全體黨員用意和全國民衆之屬望。繼續爲黨國而奮鬥。卽日復職。仍總師干。本總理大無畏之精神。以掃除殘餘軍閥。肅清共產遺孽。脫帝國主義之侵陵。而致中國於獨立自由平等。竟國民革命之成功。以求三民主義之實現。本黨有厚望焉。

○馮總司令挽留蔣總司令電

介石仁兄勳鑒。頃接協和哲民諸同志來電。聞我兄微服赴滬。惶駭莫名。我兄一身繫黨國安危。爲民衆之救主。北伐以來。百戰苦功。天下國人自有公論。况事變紛乘。正資挽救。革命事業。專賴完成。乃因一二人裂痕之故。遽欲高蹈。在兄坦白之懷。固無俟於敝履職務。卽已大白於天下。惟先總理國民革命之工作。方在繼續進行。數十萬爲革命奮鬥之同袍。將何以維繫。中國被壓迫之民衆。將何以早出水火。歷年來南北之爲革命而死傷殘廢者。將皆虛擲。我兄甯不計及之耶。目下革命之人。尙須與一切惡魔拚命。

決戰。因此之故。弟不得不跋涉東來。以從我兄於一同革命戰線之上。以期國民革命早日成功。如我兄不顧一切。必欲退休。忍將革命垂成之事業。付諸東流。視黨國之存亡。可以袖手。棄我衆將士仰望之殷。置先總理付託之重。則弟既乖素志。出於無可奈何。自揣智力。不逮吾兄萬一。亦惟有一同退隱。天下事尙忍言耶。此爲黨國存亡關係。非我兄一人之進退。務請刻日還甯。主持大計。有兄排除一切反動異圖。剷除障礙。黨國幸甚。弟與兄志願既同。境况亦不稍異。休戚痛癢。息息相關。特電飛陳。至祈採納。關山阻隔。神魂飛越。耿耿血誠。不勝盼禱之至。弟馮玉祥叩鹽。

○二十五軍周軍長西成宣布共黨罪狀電

（銜略）吾國不幸。變亂相尋。先總理創三民主義。爲救國良模。遺囑諄諄。國人共仰。我總司令蔣公介石。堅持黨義。奮起義師。衆志所趨。無堅不破。首克湘鄂。旋平閩贛。蘇浙既定。皖洛景從。指顧中原。計日可定。不謂包藏禍心之共產黨。引鬼入室。爲虎作倀。毒甚虺蛇。技逾魍魎。好亂成性。貽禍無窮。肆彼暴行。悉無人理。特舉罪狀。用告國人。先總理提倡革命。天下爲公。主張聯俄容共。本屬應時政策。乃該共產黨人等。不能體諒總理之苦衷。反以依附外人爲得計。前於大軍蒞漢時。卽首作蘇俄紀念。委曲媚外。國體何存。凡我黃族。甯不齒冷。喪心辱國。其罪一也。三民主義。適應國情。其中節制資本。平均地權之說。乃對數

千年開化之國家。力求改進。調節經濟。頗具苦心。乃該共產黨人等。斷章取義。強謂民生主義。卽是共產黨主義。曲爲附會。藉便企圖。陽擁中山。陰違正義。指鹿爲馬。其心可誅。篡黨營私。其罪二也。總節蔣公。黨國柱石。總理遺囑。誓守弗渝。出師以來。備歷艱險。努力奮圖。萬死不辭。耿耿孤衷。彰彰共見。救國而外。罔識其他。純潔光明。豈能多觀。乃該共產黨人等。則誣爲專制。詆以獨裁。破壞爲心。無所不至。妒賢忌功。其罪三也。革命同志。理應相維。爲國前驅。情同一體。乃該共產黨人等。暗設陷阱。謀剪友軍。袁總指揮。祖銘以國民革命左翼軍總指揮。師次武陵。竟遭慘害。大敵在邇。自戕同袍。入室操戈。影響全局。中央飭查。置若罔聞。專權擅殺。其罪四也。人才衆多。國家之福。愛護不暇。何忍摧殘。乃該共產黨人等。睚眦必報。腸肺獨殊。總理信徒。詆爲老朽。黨國碩望。目爲昏庸。噴血噴人。含沙射影。流長飛短。爲所欲爲。伐異黨同。其罪五也。民生進化。自有段階。躡等驟幾。徒滋紛亂。乃該共產黨人等。妄鼓邪說。不顧國情。招集遊民。橫行都市。農會工會。任意把持。大盜成羣。喧賓奪主。馴致四民失業。萬姓寒心。繁華名都。淪爲榛曠。長此以往。豈特人皆破產。將見民斃子遺。殃國禍民。其罪六也。夫治黨貴有統帥。主權宜建中樞。事有常經。理無二致。乃該共產黨人等。爭立政府。勢若敵軍。藉提高黨權爲名。作動搖根本之計。分配黨羽。盤踞機關。竊弄大權。矯發任狀。謀逆藐法。其罪七也。外人僑居。皆須保護。邦交所在。夫何待言。乃該共產黨人等。妄排僑民。

仇視教士。挾其私忿。慘殺無辜。外論譁然。罔不切齒。世界戰禍。伏於幾微。而若輩猶復大肆橫暴。日甚一日。開釁黨國。其罪八也。以上八端。不等略舉。大概實則該黨毒計。罄竹難書。設不根本掃除。微特有礙革命前途。抑且重貽人類隱禍。茲何幸我總司令蔣公。暨國內同志。對於若輩行動。燭照無遺。南京政府。正式成立。武漢機關。根本取消。正義獲伸。中樞有託。惟是賊心不死。猶復盤踞一方。妨礙革命工作。西成分屬軍人。義無反顧。謹率所部。爲國鋤奸。聽命中央。誓清暴黨。望我同志。一致奮興。奠國安民。在此一舉。國民革命軍第二十五軍軍長周西成叩陽印。

○福建財務委員會擁蔣通電

各省府各省黨部各省政治分會。各軍長各省團務委員會。各師旅團長各機關各法團各報館均鑒。我中華民族。屈伏於軍閥鐵蹄之下者久矣。威尊命殘。火熱水深。蔣總司令繼承總理遺囑。努力工作。臥薪嘗胆。再接再厲。半載之間。平兩湖。定三江。閩越歸附。晉蜀輸誠。綏撫汴洛。威服滇黔。直搗幽燕之期。不遠。痛飲黃龍。志願可償。如斯彪炳之崇勛偉烈。爲吾黨光。爲吾民福。凡我同族。苟具天良。宜如何懋功戴德。信仰擁護。乃有一般反動份子。喪心病狂。乘大軍追奔逐北之日。多方陰謀倡亂。以冀把持黨務。攘竊政權。近竟得寸進尺。厭迫我國民黨同志。放逐吾國民黨中堅。在漢口開非法聯席會議。通過違法議案。